

十六國春秋

一
玉
十二冊
玉

前燕錄一

春秋卷第二十三

魏散騎常侍 崔鴻撰

慕容廆

慕容廆字奕落瓌鮮卑人也本出于昌黎之棘城昔高辛氏遊于海濱留少子厭次以君北夷遂世居遼左邑于紫濛之野號曰東胡其後與匈奴竝盛控弦之士二十餘萬風俗官號與匈奴畧同秦漢之際爲匈奴所敗分保鮮卑山因以爲號其十一世祖乾歸者

乾歸述異記作乾羅

見神著金銀襦鎧乘白馬

金銀鞍勒自天而墜鮮卑神之推爲君長曾祖莫護跋魏初帥諸部落大人自塞外入居遼西從司馬懿討公孫淵有功拜率義王始建王府

一作國

于棘城之北時燕代少年多冠步

搖冠跋見而好之乃歛髮襲冠諸部因呼之爲步搖其後音
訛爲慕容遂以慕容爲氏祖木延左賢王從母邱儉征高麗
有功加號大都督左賢王父涉歸一名奕落韓以全柳城之
勲進拜鮮卑單于遷邑遼東北于是漸變胡風自云慕二儀
之德繼三光之容卽以慕容爲姓庖幼而魁岸美姿貌身長
八尺雄傑有大度晉安北將軍張華雅有知人之鑒庖童卯
時往謁之華甚歎異謂曰君長必爲命世之器定難濟時者
也因以所服冠一作幘簪遺之以結殷勤晉武帝太康二年冬

涉歸始寇昌黎安北將軍嚴詢敗走之斬獲萬計太康四年

涉歸卒弟耐

一作刪

篡立將謀殺庖庖年十五出避難追者急

乃走匿于遼東徐郁家人其屋以席自障追者入屋發視竟

無所見遂得免難太康五年國人殺耐迎廩立之代領部落
初涉歸與宇文鮮卑素有隙廩將修先君之怨表請討之武
帝弗許廩怒入寇遼西殺掠甚眾帝遣幽州諸軍討之戰于
肥如廩眾大敗自後復掠昌黎每歲不絕太康六年又率眾
東伐扶餘扶餘王依慮自殺子弟走保沃沮廩夷其國城驅
掠萬餘人而還太康七年廩寇遼東故扶餘王依慮子依羅
求率見人還復舊國請援于東夷校尉何龕龕遣督護一作郵
賈沈將兵救之廩遣其將孫丁率騎邀之于路沈力戰斬丁
遂復扶餘國爾後廩每掠其種人賣于中國帝又以官物贖
還禁市扶餘之口太康十年夏四月廩謀于眾曰吾先公以
來世奉中國且華夷理殊强弱固別豈宜與晉國競乎何爲

不和以害吾百姓乃遣使詣晉乞降帝嘉之拜鮮卑都督五月
廆謁見東夷校尉何龕抗士大夫禮巾衣詣門龕嚴軍以
見之廆乃改服戎衣而人人問其故廆曰主人不以禮待客
客何爲哉龕聞之甚慚彌加敬憚時東胡宇文氏鮮卑段氏
部落以廆威德日廣懼有并吞之計因爲寇掠往來不絕廆
卑辭厚幣以撫之鮮卑段國單于階以女妻廆生皝仁昭元
康四年廆以遼東僻遠徙于徒河之青山後又以大棘城卽
帝顓頊之墟所謂紫蒙之邑也復移居之乃教以農桑法制
同于上國永寧中燕垂大水廆開倉振給幽方獲濟天子聞
而嘉之褒賜命服太安初鮮卑宇文單于莫圭部眾强盛遣
其弟屈雲寇邊雲別帥素怒延怒一無攻掠諸部廆親擊敗之

素怒延恥之復率眾十萬圍庖于棘城眾咸震懼人無拒志
庖曰素怒延雖犬羊蟻聚然軍無法制已在吾計中矣諸君
但爲力戰無所憂也乃躬貫甲冑馳馬出擊素怒延大敗之
追奔百里俘斬萬餘人遼東孟暉先沒於宇文部帥其眾數
千餘家來降庖署爲建威將軍以其臣慕輿句勤恪廉靖使
掌府庫句心計默識不案簿書始終無漏以慕輿河明敏精
審使典獄訟覆訊清允永嘉初庖自稱鮮卑大單于時魏昭
帝諱祿卒弟穆帝諱猗總攝三部先是昭帝之世庖爲東部

帝

諱祿

卒弟穆帝

諱猗

總攝三部先是昭帝之世庖爲東部

之患昭帝遣弟左賢王普根擊走之至是與庖通好永嘉三
年遼東太守龐本以私憾殺東夷校尉李臻詔以勃海封釋
代之釋收斬本永嘉五年初東夷校尉李臻之死也遼東附

塞鮮卑素喜連木丸津等託爲臻報讐實欲因而爲亂遂攻陷諸縣殺掠士民屢敗郡兵太守袁謙頻戰失利東夷校尉封釋懼不能討請與連和連津不從百姓失業流亡歸廐者日月相繼廐給廩遣還願留者卽撫存之廐少子鷹揚將軍翰言于廐曰求諸侯莫如勤王自古有爲之君莫不尊天子以從民望成大業者也今連津跋扈王師覆敗蒼生屠膾豈甚此乎豎子外以廐本爲名內實幸災爲寇封使君以誅本請和而毒害滋深遼東傾沒垂已二紀中原離亂神州屢敗勤王仗義今其時也大單于宜明九伐之威救倒懸之命數連津之罪合義兵以誅之上則興復遼東下則并吞二部忠義彰于本朝私利歸于吾國此則吾霸王之基也

一云鴻漸之始也

終可以得志于諸侯。庾笑曰：「孺子乃能及此乎？」遂率騎東擊連津，以翰爲前鋒，破斬之，盡併二部之眾，得所掠民三千餘家，徙之棘城，立遼東郡而歸。晉懷帝蒙塵于平陽，王浚承制以庾爲散騎常侍、冠軍將軍、前鋒大都督，大單于庾以非王命所授，拒而不受。庾復遣翰攻段疾陸眷，取徒河、新城，至陽樂，引兵而還。翰因鎮徒河，壁青山。時兩京傾覆，幽冀淪陷，中國流民避亂者多北依王浚，浚不能存撫，又法政不立，士民往往逃去。段氏兄弟專尙武勇，不禮士大夫，惟庾刑政修明，虛懷引撫，流亡士庶多襁負歸之。庾乃舉其英俊，隨才授任，以河東裴疑代郡魯昌，盧江黃泓，北平陽耽爲謀主。北海逢羨、廣平遊邃，北平方虔、渤海封抽、西河宋爽及裴開爲股肱。

渤海封奕平原宋該蘭陵繆愷昌黎劉斌安定皇甫岌弟
眞及抽子裕竝典機要遼東張統據樂浪帶方二城與高句
驪王乙弗利相攻連年不解樂浪王遵說統帥其民千餘家
歸虜虜爲之置樂浪郡以統爲太守遵參軍事建興中王浚
爲石勒所殺幽州喪亂會稽朱左車魯國孔纂泰山胡毋翼
自薊逃奔昌黎悉來依虜中國流民歸虜者數萬家虜乃立
郡以統流民冀州人爲冀陽郡豫州人爲成周郡青州人爲
營丘郡并州人爲唐國郡愍帝遣使拜虜鎮軍將軍昌黎遼
東二郡公晉元帝建武元年春三月元帝承制拜虜假節散
騎常侍都督遼左雜夷流民諸軍事龍驤將軍大單于昌黎
公虜讓公爵不受征虜將軍魯昌說虜曰今兩京傾沒天子

蒙塵琅邪王承制江東實人命所係明公雖雄據海朔跨總一方而諸部猶怙眾稱兵未遵道化者蓋以官非王命又自以爲強故也今宜通使琅邪勸承大統然後敷宣帝命以討有罪誰敢不從處士遼東高詡曰霸王之資非義不濟今晉室雖微人心猶附宜遣使江東示有所遵然後杖大義以征諸部不患無辭矣庖從之遣長史王濟浮海詣建康勸進

太興元年春三月元帝卽尊位遣謁者陶遼重申前命授庖龍驤將軍大單于昌黎公庖固辭公爵不受以游邃爲龍驤長史劉翔爲主簿命邃創定府朝儀法長史裴疑言於庖曰晉室微弱介居江表威德不能及遠中原之亂非明公不能拯也今諸部雖各擁兵然皆頑愚相聚宜以漸并取以爲西

討之資廩曰君言大非孤所及也然君中朝名德不以孤僻陋而教誨之是天以君賜孤而祐其國也乃以疑爲長史委以軍國之任諸部弱小者稍稍擊取之

太興二年廩封畧漸廣進據棘城晉平州刺史東夷校尉崔毖自以中州士望懷集流亡而士民多歸于廩心不平之數遣使招附莫有赴者意廩拘留之乃陰結高句驪及宇文氏段國氏等謀滅廩以分其地毖所親渤海高瞻力諫不從于是三國合兵來伐諸將請擊之廩曰彼信崔毖虛說欲邀一時之利軍勢初合其鋒甚銳幸我速戰若逆擊之落其計矣不可與戰當固守以待之彼烏合而來耳旣無統一莫相歸服久必攜貳一則疑吾與毖譎而覆之二則三國自相猜忌

待其人情沮惑然後擊之破之必矣三國進攻棘城廐閉門
自守遣使獨以牛酒犒宇文大人聲言于眾曰崔悲昨有使
至二國疑宇文氏與廐有謀各引兵歸宇文大人悉獨官曰
二國雖歸我當獨兼其國何用人爲率眾數十萬逼城連營
四十里廐使召其子翰於徒河翰遣使謂廐曰悉獨官舉國
爲寇彼眾我寡易以計勝難以力勝今城中之眾足以禦寇
翰請爲奇兵于外伺其間而擊之內外俱奮使彼震駭不知
所備破之必矣若合兵爲一彼得專意攻城無復他慮非策
之得者也且示眾以怯恐士氣不戰先自沮矣廐猶懷疑貳
遼東韓壽言于廐曰悉獨官有憑陵之志將驕卒惰軍不堅
密若奇兵卒起掩其無備必破之策也乃聽翰留徒河悉獨

官聞之曰翰素名驍果今不入城或能爲患當先取之城不足憂也遂分遣數千騎襲翰翰潛知之詐爲段氏使者逆于道曰慕容翰久爲吾患聞當擊之吾已嚴兵相待宜速進也使者旣去翰卽出城設伏以待之宇文氏之騎見使者大喜馳行不復設備進入伏中翰奮擊盡獲之乘勝徑進遣間使語虜出兵大戰虜使子就與長史裴凝將精銳爲前鋒自將大兵繼後悉獨官自恃其衆初不設備見虜兵至方率衆逆戰前鋒始交翰將千騎從旁直衝其營縱火焚之衆皆振擾不知所爲遂大敗之悉獨官僅以身免盡俘其衆于其營候獲皇帝玉璽三紐崔悤聞之懼虜之仇已使兄子燾一作濤詣

棘城僞賀虜會三國使者亦至請和曰非吾本意崔平州教

我耳廆將燾示以攻圍之處臨之以兵曰汝叔父敎三國滅
我何以詐來賀我乎燾懼首服廆乃遣燾歸謂茲曰降者上
策走者下策也引兵隨之茲與數十騎棄家室奔高句驪悉
降其眾廆以子仁爲征虜將軍鎮遼東宮府市里安堵如故
高句驪將如奴子據于河城寇掠遼東廆遣樂浪太守張統
掩擊擒之俘其眾千餘家徙崔燾高瞻韓恆石琮等于棘城
待以客禮尋以高瞻爲將軍瞻稱疾篤不就廆頗不平之竟
以憂卒宋該勸廆獻捷江東廆使該爲表令裴疑奉之并所
獲三璽詣建康獻之高句驪數寇遼東廆遣建威將軍翰征
虜將軍仁伐之句驪王乙弗利逆來求盟翰仁乃還

太興三年春三月裴疑至自建康盛稱廆之威德賢俊皆爲

十六國春秋卷二十三
之用朝廷始重之乃遣使隨疑拜廐監平州諸軍事安北將軍平州刺史增邑一千戶

太興四年冬十二月加廐使持節都督幽平二州東夷諸軍事車騎將軍平州牧進封遼東郡公邑一萬戶侍中單于並如故遣謁者卽授印綬丹書鐵券承制海東命備官司置平州守宰廐于是備置僚屬立子凱爲世子作東樓以裴疑游邃爲長史裴開爲司馬韓壽爲別駕楊耽爲軍諮祭酒崔燾爲主簿黃泓鄭林參軍事以朱左車孔纂胡母翼等風德清望請爲賓友以平原劉讚儒學該通引爲東庠祭酒命凱與國胄束修受業廐覽政之暇亦親臨聽之于是路有頌聲禮讓興矣徙翰鎮遼東仁鎮平郭翰撫安民夷甚有威惠仁亦

次之

永昌元年冬十二月段末柸初統其國而不修備廐遣世子
毖襲之入令支掠其居民千餘家及名馬寶物而還

晉明帝太寧元年春二月廐以長史裴嶷爲遼東相

太寧二年秋七月晉遣使者加廐邑五千戶重申前好

太寧三年春三月石勒遣使通和廐拒之送其使于建康勒

怒加宇文乞得歸

一作龜

官爵使之擊廐廐遣毖拒之以遼東

相裴嶷爲右部都督率索頭段國爲右翼命征虜仁自平郭
趣伯林爲左翼乞得歸屯保澆水固壘不戰遣兄子悉拔雄
襲仁于伯林仁逆擊悉拔雄斬之悉虜其眾乘勝與毖攻乞
得歸大破之乞得歸棄軍走毖仁入其國城使輕兵追乞得

歸過三百里而還盡獲其國重器畜產以百萬計徙其民數萬戶以歸先是海出大龜枯死於平郭至是而乞得歸敗其東部大人逸豆歸逐而殺之因自立爲王冬十一月虜與段氏方睦爲段牙謀使之徙都牙從之卽去令支國人不樂段疾陸眷之孫遼欲奪其位以徙都爲牙罪十二月帥國人攻牙殺之自立段氏自務勿塵以來日益強盛其地西接漁陽東界遼水所統胡晉三萬餘戶控弦四五萬

晉成帝咸和元年秋九月遣使拜虜侍中位特進餘悉如故咸和二年春二月虜遣使詣建康固辭爵位優詔不許

咸和三年冬十二月己卯後趙石勒殺趙主劉曜

咸和四年春正月趙石虎取長安冬十二月羌酋姜聰殺吐